

Cometen Predige

der in jenem Jahr erscheinen werde / wie dann auch von
einem dieser Comet ist prognosticirt worden / das er
eriffgehen werde. Geschichts nu also / das nemlich der Co-
met dastehet / beflüssiget sich ein solcher Artift darauff /
darmit er möge erkündigen vnd gewiß erfahren / des Co-
meten Ort / stande / lauff / gang am Himmel / seinen
rechten Nahmen / seine höhe / was Planeten ihm zum-
nächsten / die ihn etwan angezündet / vber was Land-
schafften vnd Völkern er sonderlich stehe vnd gehe /
was signification vnd bedeutung sich seinent wegen fin-
de / vnd dergleichen: Nimpt halt drauff zur hand seine
instrumenta Mathematica, als seinen Quadrantem
Astrolabium, Quadratum Geometricum, setzet die
an / gebrauchet sich seines Calculi, seiner Logisti-
ken oder rechen Kunst / forschet sonderlich für allen
dingen nach der ascension vber den Horizont, vnd
setzet nach seiner Kunst einen Himmel für / darin der
Comet recht zu sehen vnd zu befinden: Welche Mathe-
matica dan vnd Stern Kunst eine feine löbliche Kunst / vñ
gar nicht mit Füßen zu treten / wegen vieles guten din-
ges / vnd allerhand nutzbarkeit / so drauß zu vernehmen /
mache mir auch ganz keinen zweiffel / es werden in dieses
herrlichen Kunst die erfahren vnd gelehrten / wegen dies-
ses Cometen auch das ihrige thun / vnd nach ihrem fleiß
vnd erkundigung herfürgebē / w; von diesen Cometē auch
möge zu achtē vñ zu haltē sein. Für eins: Hernacher aber
vnd zum 2. discurrirt man auch von der Comet *Phy sicē* ^{2.}
oder absonderlich *Meteorologicē*, nach der natur / vñ wie
sichs in der befinde / mit dem Cometen. Wann aber
nu auch ein *Physicus* oder *Meteorologicus* seiner Kunst
nach / wil discurriren vnd handeln von Cometen *attens-*
disc.